

## ՄՇԱԿԻ ՁԵՌՔԻ ՏԱԿ

### ԲԱՆԱԼԻ ՀԱՄԱՐ. ՀՈՎՀԱՆՆԵՍ 15.1-8

1 Ես եմ ձշմարիտ որթը, և **Իմ** Հայրը մշակն է: 2 Ամեն մի ձյուղ, որ ինձանում է և պտուղ չի բերում, **Նա** կտրում է:

Հուդան հեռացավ, և միայն դրանից հետո Հիսուսը շարունակեց Իր խորը ուսուցումը մնացած աշակերտներին՝ ներառյալ Հովհաննես 14-17 գլուխները, որտեղ Նա խոսում է՝

Իր հետ մնալու մասին

Սուրբ Հոգու գալու մասին

Որթի և ձյուղերի մասին (Հովհ. 15)

Եվ ամեն մի ձյուղ, որ պտուղ է բերում, **Նա** մաքրում է (*kathairō* էտում է) այն, որ ավելի պտղաբեր լինի:

### **Ինչու է էտումը հարկավոր**

Էտումը նշանակում է՝ կտրել ավելորդ, չոր կամ անպտուղ ձյուղերը: Սա անհրաժեշտ է երեք հիմնական պատճառներով.

### **1. Որպեսզի կյանքը կենտրոնանա պտղի վրա**

Երբ մշակն էտում է ավելորդ ձյուղերը, ամբողջ ուժը գնում է առողջ ձյուղերին, և դրանք բերում են ավելի շատ և ավելի լավ պտուղ:

## 2. Որպեսզի լույսը հասնի բույսին

Խիտ և չէտված որթատունկը չի ստանում բավական լույս:  
Լույսը անհրաժեշտ է պտղի հասունացման համար:  
Էտումը բացում է որթատունկը, որպեսզի արևի լույսը  
հասնի պտղաբեր ձյուղերին:

## 3. Որպեսզի հեռացվի այն, ինչ վնասում է բույսին

Չոր, հիվանդ կամ թույլ ձյուղերը ոչ միայն պտուղ չեն  
բերում, այլ նաև խանգարում են ամբողջ բույսի  
առողջությանը: Դրանք հեռացնելը պաշտպանում է  
ամբողջ որթատունկը:

- 3 Արդ, դուք մաքուր եք այն խոսքի միջոցով, որ **Ես** ձեզ խոսեցի:  
4 Մնացե՛ք իմ մեջ, և **Ես** ձեր մեջ: Ինչպես ձյուղը չի կարող ինքն  
իրենից պտուղ բերել, եթե որթի վրա չմնա, այնպես էլ դուք չեք  
կարող, եթե իմ մեջ չմնաք: 5 Ես եմ որթը, իսկ դուք՝ ձյուղերն եք:  
Նա, ով մնում է իմ մեջ և Ես նրա մեջ, նա շատ պտուղ է բերում,  
որովհետև առանց ինձ դուք ոչինչ չեք կարող անել: 6 Եթե մեկն  
իմ մեջ չմնա, Նա ձյուղի պես դուրս կնետվի և կչորանա, և  
մարդիկ կհավաքեն դրանք ու կրակը կգցեն, և նրանք  
կվառվեն: 7 Եթե դուք **Իմ** մեջ մնաք, և **Իմ** խոսքերը ձեր մեջ  
մնան, պիտի խնդրեք, ինչ որ կամենաք և այն պիտի լինի ձեզ:  
8 **Իմ** Հայրը կփառավորվի դրանով որ դուք շատ պտուղ բերեք.  
Այդպես դուք **Իմ** աշակերտները լինեք:

Յովհաննես 15.1-8 հատվածը շատ հստակ բացահայտում է  
Չոր ակտիվ և անձնական գործը հավատացյալի կյանքում:

## 1. ՀԱՅՐԸ ՀԱՎԱՏԱՑՅԱԼԻ ԿՅԱՆՔԻ ՄՇԱԿՆ Է – ԳՈՐԾԸՆԹԱՑ

1 ...իմ Հայրը մշակն է:

- Մշակը տեսնում է պտուղը, որը մենք դեռ չենք տեսնում:
- Շատ կարևոր հարց է. «Ինչպե՞ս է Հայրը մշակ»:

## ՀԱՅՐԸ ՀԵՌԱՑՆՈՒՄ Է ԱՅՆ, ԻՆՉ ԽԱՆԳԱՐՈՒՄ Է ԱՃԻՆ

2 Ամեն մի ճյուղ, որ ինձանում է և պտուղ չի բերում, **Նա**  
կտրում է:

*սխալ մտածելակերպ, մարմնական սովորություններ,*

*կապվածությունները, որոնք զբաղեցնում են Աստծո տեղը  
մեր սրտում,*

*հոգևոր անտարբերությունը, որը թուլացնում է մեր  
հարաբերությունը Աստծո հետ:*

- Հոր նպատակը միշտ նույնն է՝

*հավատացյալին առաջնորդել սրբությունից սրբություն և  
փառքից փառք:*

## 2. ՀԱՅՐԸ ՄԱՔՐՈՒՄ Է ՊՏՂԱԲԵՐԻՆ՝ ԱՎԵԼԻ ՄԵԾ ՊՏՂԱԲԵՐՈՒԹՅԱՆ ՀԱՄԱՐ

2 ...Եվ ամենն մի ծյուղ, որ պտուղ է բերում, **Նա** մաքրում է / էտում է (kathairō, սրբում է) այն, որ ավելի պտղաբեր լինի:

*Այստեղ օգտագործված «մաքուր» բառը հունարենում katharoi (καθαροί) է, որը գալիս է նույն արմատից, «մաքրելե, էտելե, մաքրել պատրաստել պտղաբերության համար»:*

Եբրայեցիս 10.2 – մեկ անգամ **մաքրված լինելով...**

- Սա շատ կարևոր ճշմարտություն է. Հայրը աշխատում է ոչ միայն թույլ հավատացյալների վրա, այլ նաև պտղաբեր հավատացյալների վրա:

**Սրբացումը աճի ճանապարհ է:**

2 Եվ ամենն մի ծյուղ, որ պտուղ է բերում

2 ավելի պտղաբեր լինի

8 որ դուք շատ պտուղ բերեք

- Փորձությունները, սպասման շրջանները, բոլորը գտման պահերեն.

### 3. ՈՐԴՈՒ ՇԱՐՈՒՆԱԿԱԿԱՆ ԳՈՐԾՆ Է ՄԵՐ ՄԵՋ

3 Արդ, դուք մաքուր եք այն խոսքի միջոցով, որ **ես** ձեզ խոսեցի:

- Հայրը էտում է որպես Մշակ,
- բայց Որդին մաքրում է իր խոսքով:

Հայրը աշխատում է մեր կյանքի իրավիճակների միջոցով,

Որդին աշխատում է մեր ներսում իր խոսքի միջոցով,

### 4. ՈՐԴԻՆ ՊՏՂԱԲԵՐՈՒԹՅՈՒՆ Է ԱՊԱՅՈՎՈՒՄ ԻՐ ԽՈՍՔԻ ՄԵՋ ՄՆԱԼՈՒ ՄԻՋՈՑՈՎ

7 Եթե դուք **իմ** մեջ մնաք, և **իմ** խոսքերը ձեր մեջ մնան...

Նույն խոսքը, որը կյանք տվեց քեզ, նաև պատրաստում է քեզ պտղաբերության համար:

#### **Պտղաբերության ընթացքը սկսվում է ներսից**

Նախ Աստված աշխատում է մեր սրտում, հետո փոխում է մեր միտքը, և հետո այդ փոփոխությունը երևում է մեր կյանքում:

Գուցե այսօր դու անցնում ես էտման շրջան:

Գուցե Աստված հեռացնում է ինչ-որ բան քո կյանքից:

Գուցե դա ցավոտ է, գուցե դա դժվար է հասկանալ,

## **Ինչպես գրված է Եբրայեցիներ 12.11-ում.**

Եվ ամեն խրատ հենց նույն պահին ուրախություն չի թվում,  
այլ տրտմություն, սակայն հետո դրանով վարժուածներին  
արդար խաղաղության պտուղ է տալիս:

## **ՍԱ Է ՎԵՐՋՆԱԿԱՆ ՆՊԱՏԱԿԸ`**

**Իմ** մեջ մնաք,

**Իմ** խոսքերը ձեր մեջ մնան,

**Իմ** Հայրը կփառավորվի

**Իմ** աշակերտները լինեք:

## **ԻՆՉ Է ԱՍՈՒՄ ՍՈՒՐԲ ՀՈԳԻՆ ՔԵՉ ԱՅՍ ՊԱՏԳԱՄԻ ՄԻՋՈՑՈՎ**